

漢西京博士考







漢西京博士考

胡秉虔纂

編主五雲王

編初成集書叢

考士博京西漢

中華民國二十六年六月初版

纂者 胡秉虔

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

(本書校對者章德宣)

序

博士之官。昉於周末。而莫盛於漢之西京。初設官時。不過取通古今備顧問而已。自武帝罷黜百家。專置五經。於是博士之選嚴。而博士之品日益尊。孟喜從田王孫受易。得易家侯陰陽災變書。博士缺。衆人薦喜。上聞喜改師法。遂不用。張禹從施讐受易。王陽膠東庸生問論語。蕭望之奏禹經學精習。有師法。試爲博士。蓋博士之設。所以崇師法也。東漢之初。雖增博士至十四人。然自是日後。學尙兼通。而顯門之業衰矣。師法漸亂。博士之官亦漸輕。朱浮上書言詔書更試五人。唯取見在洛陽城者。是其不能廣求詳選。在建武之世已然。至和帝而博士倚席不講矣。見樊準傳故博士斷以西京爲盛。今卽其散見於紀表志傳者彙而錄之。猶可攷見師法于什一云。績溪胡秉虔識。

漢西京博士考一

胡秉虔

乘虔字伯敬號春喬績溪人嘉慶己未進士歷刑部主事甘肅丹噶爾同知著有周易尚書論語小識尙書毛詩敘錄卦本圖考甘肅明季成仁錄河州景忠錄經義聞斯錄槐南

麗澤編月令小識四書釋名小學厄言對牀夜話惜分齋叢錄消夏錄文集詩集

漢立博士

漢田百官公卿表云奉常秦官掌宗廟禮儀景帝中六年更名曰太常屬官有博士

又云博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人

又云給事中亦加官所加或大夫博士議郎掌顧問應對位次中常侍

又云秩比六百石以上皆銅印墨綬大夫博士御史謁者郎無

儒林傳云孟喜从田王孫受易博士缺衆人薦喜上聞喜改師法遂不用

案傳不言何帝時事

後漢書朱浮傳上書有曰尋博士之官爲天下宗師使孔聖之言傳而不絕舊事策試博士必廣求詳選爰自畿夏延及四方是目博舉明經惟賢是登學者精勵遠近同慕

應劭漢官儀云博士秦官也武帝初置五經博士後增至十四人太常差選有聰明威重一人爲祭酒總

倍增之。元帝設員千人，成帝增至三千人，此云七千餘人，蓋在平帝即位，王莽秉政時。

諸帝博士

高帝在位十二年。

漢書本紀云：五年，諸侯王及太尉、長安侯、臣、綰等三百人，與博士、稷嗣君、叔孫通，謹擇良日，二月甲午，上尊號。

叔孫通傳云：漢二年，降漢，從弟子百餘人，漢王拜通爲博士，號稷嗣君，與弟子共起朝儀。七年，拜通爲奉常，弟子悉目爲郎。

儒林傳序云：高皇帝誅項籍，諸儒始得修其經學，講習大射鄉飲之禮。叔孫通作漢禮儀，因爲奉常，諸弟子共定者，咸爲選首。

惠帝在位七年。

史記孔子世家云：孔鮒弟子襄爲孝惠皇帝博士，遷爲長沙太守，長九尺六寸。

案漢長沙國有太傅，無太守，疑守字誤。漢書作太傅家語附錄，亦作太傅。遠祖漁隱公，名仔，字元任，號若溪漁隱。

孔子編年亦作太傅，編年多取世家，則世家南宋本本作太傅可知。

漢書孔光傳云：孔襄爲孝惠博士。

案襄上脫子字。

見後本紀四年春三月，除挾書律。張晏曰：秦律敢有挾書者族。

文帝即位逾年為元年十七年為後元年七年崩凡在位二十三年

趙岐孟子章句題辭云孝文皇帝欲廣文學之路論語孝經孟子爾雅皆置博士

案論語孝經孟子爾雅置博士惟見於此及劉歆移太常書又舊唐書薛放書有云論語六經之菁華也漢時首列於學官不知別有據否

漢書本紀云後元年詔曰其與丞相列侯吏二千石博士議之有可目佐百姓者率意遠思無有所隱

郊祀志云文帝召公孫臣拜為博士與諸生申明土德草改歷服色事

又云使博士諸生刺六經中作王制謀議巡狩封禪事

楚元王交傳云文帝時聞申公為詩最精目為博士又劉歆移太常博士書曰孝文皇帝始使掌故朝錯從伏生受尚書尚書初出於屋壁朽折散絕今其書見在時師傳讀而已詩始萌芽天下衆書頗出皆諸子傳說猶廣立於學官為置博士

案諸子傳說即論語孝經孟子爾雅等也惜本紀不詳其事博士姓名無可攷見

賈誼傳云河南守吳公言誼年少頗通諸家之書文帝召目為博士儒林傳云韓嬰燕人也孝文時為博士燕趙間言詩者由韓生

案戴氏賈河間獻王傳經攷云文帝時詩始萌芽獨有魯詩蓋據楚元王交傳文帝聞申公為詩最精目博士之語也然儒林傳又言韓嬰為博士然則文帝所立不僅魯詩矣戴氏疑韓詩景帝時立

景帝即位逾年爲元年八年爲中元年十四年爲後元年二年崩凡在位十六年

漢書董仲舒傳云廣川人也少治春秋孝景時爲博士

儒林傳序云孝景不任儒竇太后又好黃老術故諸博士具官待問未有進者

傳云轅固齊人也目治詩孝景時爲博士

又云胡毋生字子都齊人也治公羊春秋爲景帝博士與董仲舒同業

武帝建元六年光六年朔六年狩六年鼎六年封六年太初四年漢四太始四征和四後元二凡在位五十四年

漢舊儀云武帝初置博士取學通有修博識多藝曉古文爾雅能屬文章者爲之見太平御覽

案此言武帝初蓋謂建元五年目前也本紀又言建元元年議立明堂遣使者安車蒲輪束帛加璧

徵魯申公

漢書本紀云建元五年置經博士

案此趙岐孟子章句題辭所謂後罷傳記獨立五經也漢承秦後仍立博士之官武帝目前但取通

古今備顧問而已故或兼立傳記而五經反不全至是始定爲五經博士矣至今猶襲其名

又案本紀言置五經博士而贊云孝武初立卓然罷黜百家表章六經者顏師古曰六經謂易詩書

春秋禮樂也然當時實未立樂經博士以樂經已亡故而禮樂志云武帝立樂府采詩夜誦有趙代

秦楚之謳目李延年爲協律都尉師古曰夜誦者其言辭或祕不可宣露故於夜中歌誦也按志載

孔光何武等奏有夜誦員五人。

又案本紀建元元年詔舉賢良方正直言極諫之士丞相綰衛奏所舉賢良或治申商韓非蘇秦張

儀之言亂國政請皆罷奏可武帝罷黜百家表章六經殆權輿於此董仲舒對策在元光元年後此六年

又案儒林傳贊云初書唯有歐陽禮后易楊春秋公羊而已戴氏震謂齊魯韓詩已立文景之間故不言詩非也景帝不嘗立公羊春秋乎贊臚四經者約略之辭耳

史記孔子世家云忠生武武生延年及安國安國爲今皇帝博士至臨淮太守蚤卒

漢書孔光傳云忠生武及安國武生延年安國延年皆曰治尙書爲武帝博士

案尙書謂今文尙書也時古文尙書尙未施行而孔氏本傳伏生今文尙書故爲博士也世家曰安國亦武子不言延年爲博士皆與漢書異

公孫弘傳云菑川薛人也少時爲獄吏年四十餘乃學春秋雜說武帝初卽位招賢良文學士是時弘年

六十曰賢良徵爲博士使匈奴還報不合意乃移病免歸元光五年復徵賢良文學菑川國復推上弘

本紀元朔五年夏六月詔曰蓋聞導民曰禮風之曰樂今禮壞樂崩朕甚閔焉故詳延天下方聞之士咸

薦諸朝其令禮官勸學講議洽聞舉遺興禮曰爲天下先太常其議予博士弟子崇鄉黨之化曰厲賢

材焉丞相弘公孫請爲博士置弟子員學者益廣

儒林傳序云弘爲學官悼道之鬱滯與太常臧孔博士平等請爲博士官置弟子五十人復其身太常擇

民年十八。目上儀狀端正者。補博士弟子。郡國縣官有好文學。敬長上。肅政教。順鄉里。出入不悖。所聞令相長承。上屬所二千石。二千石謹察可者。常與計偕。詣太常。得受業如弟子。一歲皆輒課。能通一藝。目上補文學。掌故缺。其高第可以爲郎中。太常籍奏。卽有秀才異等。輒目名聞。其不事學。若下材。及不能通一藝。輒罷之。而請諸能稱者。制曰可。

贊云。武帝立五經博士。開弟子員。設科射策。勸目官祿。案博士之有弟子員。自此始。

楚元王交傳。劉歆移太常博士書曰。至孝武皇帝。然後鄒魯梁趙。頗有詩禮春秋。先師皆起於建元之間。當此之時。一人不能獨盡其經。或爲雅。或爲頌。相合而成。秦誓後得。博士集而讀之。故詔書稱曰。禮壞樂崩。書缺簡脫。朕甚閔焉。時漢興已七八十年。離於全經。固已遠矣。及魯共王壞孔子宅。欲目爲宮。而得古文於壞壁之中。逸禮有三十九。書十六篇。天漢之後。孔安國獻之。遭巫蠱倉卒之難。未及施行。及春秋左氏丘明所修。皆古文舊書。多者二十餘通。臧於祕府。伏而未發。

案孔安國獻之。藝文志同。唯荀悅漢紀作孔安國家獻之。王氏鳴盛云。宋本文選。劉歆書亦有家字。本紀云。元狩六年。詔曰。今遺博士大等六人。分循行天下。師古曰。褚大也。

又云。元鼎二年。詔曰。遺博士中等。分循行諭告。案中姓無改。

律歷志云。元封七年。漢興百二歲矣。大中大夫公孫卿壺遂。太史令司馬遷等言。歷紀壞廢。宜改正朔。是時御史大夫兒寬明經術。上迺詔寬曰。與博士共議。今宜何目爲正朔。服色何上。寬與博士賜等議。案賜

常即
魯賜

案武帝元封之號止六年。此云七年者。蓋即太初元年也。漢因秦制。以十月為歲首。是年夏五月。正歷始以正月為歲首。

食貨志云。武帝遣博士褚大徐偃等分行郡國。

郊祀志云。武帝得寶鼎。與公卿諸生議封禪。用希曠絕。莫知其儀體。而羣儒采封禪尚書周官王制之望。祀射牛事。迺令諸儒習射牛。草封禪儀。數年。至且行。天子既聞公孫卿及方士之言。黃帝自上封禪。皆致怪物。與神通。欲放黃帝。目接神人。蓬萊高世。比德於九皇。而頗采儒術。目文之。羣儒既已不能辯明封禪事。又拘於詩書古文。而不敢騁。上為封詞。器視羣儒。視讀羣儒或曰。不與古同。徐偃又曰。太常諸生行禮。不如魯善。周霸屬圖封事。於是黜偃。霸而盡罷諸儒。弗用。師古曰。徐偃。博士姓名。周霸亦人姓名也。案周霸亦博士姓名。見儒林傳。

張湯傳云。請博士弟子治尚書春秋。補廷尉史。平亭疑法。奏讞疑。

昭帝。始元六年。元平元年。凡在位十三年。

漢書本紀。始元五年。詔曰。朕初通保傳。傳孝經論語。尚書。未云有明。其令三輔太常舉賢良各一人。郡國

文學高第各一人。

儒林傳序云。昭帝舉賢良文學。增博士弟子員。滿百人。案如紀云云。則昭帝所增博士弟子員內。當有大

戴禮記、孝經、論語、然史不言。

孔光傳云、孔霸、字次孺、治尙書、昭帝末年爲博士。

後漢書卓茂傳、李賢注云、江生、魯人、江翁也、昭帝時爲博士、號魯詩宗。

案傳言元帝時、而注旨爲昭帝時、攷昭帝時、江氏之學復微、未聞有爲博士者、注云魯人江翁、侶卽

指瑕丘江公、尤謬。

宣帝本始四、地節四、元康四、神爵四、五鳳四、甘露四、黃龍一、凡在位二十五年。

漢書本紀云、甘露三年、詔諸儒講五經同異、太子太傅蕭望之等平奏其議、上親制臨決焉、迺立梁丘易、

大小夏侯尙書、穀梁春秋博士。

案劉歆移太常博士書、有云、往者博士、書有歐陽、春秋公羊、易則施、孟、然孝宣皇帝猶復廣立穀梁

春秋、梁丘易、大小夏侯尙書、侶施、孟二家已立於甘露之前矣、非也、孟氏當作氏、儒林傳明云、上聞

喜改師法、遂不用、又云、梁丘賀薦讐、詔拜爲博士、宣帝時、易惟有施氏、而孟易之立、博士不知何時、

大概在宣帝以後、儒林傳所謂白光、翟牧皆爲博士也、儒林傳贊誤與此同。

儒林傳云、施讐從田王孫受易、與孟喜、梁丘賀、竝爲門人、及賀爲少府、薦讐、詔拜博士、甘露中、與五經諸

儒雜論同異於石渠閣。

又云、梁丘賀從京房受易、房出爲齊郡太守、賀更事田王孫、宣帝時、聞京房爲易明、求其門人得賀、賀時

爲都司空令坐事論免爲庶人待詔黃門數入說教侍中目召賀賀入說上善之目賀爲郎近幸爲大
中大夫給事中至少府傳子臨亦入說爲黃門郎甘露中奉使問諸儒於石渠臨學精執專行京房法
王吉通五經聞臨說善之時宣帝選高材郎十人從臨講吉迺使其子駿上疏從臨受易

案據傳所云知講石渠者梁丘賀之子梁丘臨也。想其時賀已歿矣。則本紀所謂立梁丘易博士者亦臨可知。

又云歐陽生字和伯事伏生授兒寬寬又受業孔安國歐陽大小夏侯氏學皆出於寬寬授歐陽生子世
世相傳至曾孫高爲博士高孫地餘以太子中庶子授太子後爲博士論石渠

案兒寬受業孔安國者今文尙書也故歐陽夏侯之學皆出於寬蓋安國本傳今文尙書者家語後
序云子國少學詩於申公受尙書於伏生長則博士覽經傳問無常師

又云林尊事歐陽高爲博士論石渠

又云夏侯勝其先夏侯都尉從濟南張生受尙書目傳族子始昌始昌傳勝勝又事同郡簡卿簡卿者兒
寬門人勝傳從兄子建建又事歐陽高由是尙書有大小夏侯之學

案勝建皆爲博士

又云周堪與孔霸俱事大夏侯勝霸爲博士堪譯官令論石渠經爲最高

又云張山拊事小夏侯建爲博士論石渠授陳留假倉子驕倉目謁者論石渠

又云王式爲昌邑王師。山陽張長安先事式。後東平唐長賓。沛褚少孫亦來事式。張生、唐生、褚生皆爲博士。張生論石渠。初薛廣德亦事式。曰博士論石渠。

又云孟卿東海人。事蕭奮。以授后倉。倉說禮數萬言。號曰后氏曲臺記。授沛聞人通漢子方梁。戴德、戴聖、沛慶普德。號大戴。爲信都太傅。聖號小戴。曰博士論石渠。至九江太守通漢。曰太子舍人論石渠。

又云瑕丘江公受穀梁春秋及詩於魯申公。傳子至孫爲博士。武帝時江公與董仲舒竝。仲舒通五經。能持論善屬文。江公呐於口。上使與仲舒議。不如仲舒。而丞相公孫弘本爲公羊學。比輯其義。卒用董生。於是上尊公羊家。詔太子受公羊春秋。太子既通。復私問穀梁而善之。其後寢微。唯魯榮廣、王孫皓星公二人受焉。廣盡能傳其詩春秋。高材捷敏。與公羊大師眭孟論。數困之。故好學者頗復受穀梁。沛蔡千秋少君梁周慶丁姓。皆從廣受。千秋又事皓星公。爲學最篤。宣帝卽位。聞衛太子好穀梁春秋。以問丞相韋賢。少府夏侯勝及侍中樂陵侯史高皆魯人也。言穀梁子本魯學。公羊氏迺齊學也。宜與穀梁。時千秋爲郎。召見與公羊家竝說。上善穀梁說。擢千秋爲諫大夫。給事中。後有過。左遷平陵令。復求能爲穀梁者。莫及千秋。上愍其學且絕。迺召千秋爲郎中戶將。選郎十人從受。汝南尹更始翁君本自事千秋。能說矣。會千秋病死。徵江公孫爲博士。劉向曰。故諫大夫通達。待詔受穀梁。欲令助之。江博士復死。迺徵周慶丁姓。待詔保宮。使卒授十人。自元康中始。講至甘露元年。積十數歲。皆明習。迺召五經名儒太子太傅蕭望之等。大議殿中。評公羊穀梁同異。各曰。經處是非。時公羊博士嚴彭祖侍郎申輓。伊

推宋顯穀梁議郎尹更始待詔劉向周慶丁姓竝論公羊家多不見從願請內侍郎許廣使者亦竝內穀梁家中郎王亥各五人師古曰使者謂當時詔遣監議者也內外引入議所也公羊家既請內許廣而使者因竝內王亥也議二十餘事望之等十一人各以經誼對多從穀梁由是穀梁之學大盛慶姓皆爲博士

案瑕丘江公世傳穀梁春秋子亦不顯至孫乃爲博士或據儒林申公傳章賢治詩事博士大江公之語謂瑕丘江公已爲博士因疑傅子至孫爲博士言公及子孫三代俱爲博士耳今攷之非也瑕丘江公當武帝時既曰口訥爲董仲舒公孫弘所絀矣何時更爲博士傳云卒用董生則江公之未用可知傳又云其學寢微則其子之未嘗爲博士益毋庸辨且不讀儒林傳贊乎曰初書唯有歐陽禮后易楊春秋公羊而已至孝宣世更立大小夏侯尚書大小戴禮施孟梁丘易穀梁春秋是宣帝目前無穀梁博士班氏已明言之蓋申公傳上言瑕丘江公下乃言博士大江公博士大江公本指瑕丘江公之孫江博士而言稱大者所目別於後人之爲博士如後書卓茂傳博士江生之類也晉灼曰大江公即瑕丘江公也以異下博士江公故稱大望文爲訓耳未詳攷也但傳言宣帝善穀梁徵江公孫爲博士江博士復死迺徵周慶丁姓使卒授十人自元康中始講至甘露元年皆明習則江公孫之爲博士在石渠會講目前數十年惜本紀不詳至本紀云甘露三年迺立穀梁春秋博士則絕而復立卽此傳所謂慶姓皆爲博士也裴松之注三國志引華歆表云漢室嘉江公之德用顯其世其意目爲江公爲儒宗宣帝目其孫爲博士鄭康成爲儒宗亦當顯其孫小同也

又云嚴彭祖與顏安樂俱事眭孟彭祖爲宣帝博士仕至左馮翊遷太子太傅

贊云。至孝宣世。復立大小夏侯書。大小戴禮。施孟梁丘易。穀梁春秋。

案小戴爲博士。已見傳中。立大戴博士。唯見此贊及藝文志。蓋后倉已卒。大小戴皆后氏弟子也。

藝文志云。秦燔書禁學。伏生壁藏之。漢興亡失。求得二十九篇。曰教齊魯之間。訖孝宣世。有歐陽大小夏侯氏。立於學官。

又云。魯高堂生傳士禮十七篇。訖孝宣世。后倉最明。戴德、戴聖、慶普皆其弟子。三家立於學官。

案宣帝立慶氏博士。唯見於此。

蕭望之傳云。是時選博士諫大夫通政事者。補郡國守相。

儒林傳序云。昭帝舉賢良文學。增博士弟子滿百人。宣帝末。倍增之。

後漢書翟酺傳云。爲大匡。上言。孝文皇帝始置五經博士。武帝大合天下之書。而孝宣論六經於石渠。學

者滋盛。弟子萬數。李賢注云。武帝建武五年。始置五經博士。文帝未遑庠序之事。酺之此言。不知何據。

宣帝甘露三年。詔諸儒講五經於殿中。兼平公羊穀梁同異。時更崇穀梁。故言六經也。昭帝時。博士弟

子員百人。宣帝末。倍增之。元帝時。詔無置弟子員。以廣學者。故言萬數也。

元帝初元五年。未光五年。建昭五年。竟甯一。凡在位十六年。

漢書師丹傳云。治詩事匡衡。舉孝廉爲郎。元帝末。爲博士。

儒林傳云。王式授山陽張長安幼君。又云。張生兄子游卿爲諫大夫。曰。詩授元帝。其門人琅邪王扶爲泗

水中尉陳留許晏爲博士。由是張家有許氏學。

贊云。至元帝世。復立京氏易。

藝文志云。易漢興。田何傳之。訖於宣元。有施、孟、梁丘、京氏。列於學官。

本紀云。建昭四年夏四月。詔遣諫大夫博士賞等二十一人。循行天下。存問耆老。鰥寡孤獨。因之失職之

人。舉茂材特立之士。

又云。初元五年夏。詔博士弟子毋置員。以廣學者。

又云。允光三年冬。復博士弟子員。

史。案儒林傳序云。元帝好儒。能通一經者。皆復數年。日用度不足。更爲設員千人。郡國置五經百石卒

後漢書卓茂傳云。元帝時。學於長安。事博士江生。習詩禮及歷算。究極師法。李賢注。江生。魯人。江翁也。昭帝時爲博士。號魯詩宗。

案宣帝時。瑕丘江公之孫。江博士死。此江生豈江博士之後乎。或元帝目江氏世守家學。復立生爲

博士。而漢書失載耳。注謬。已見前。

成帝建始四。元延四。綏和二。凡在位二十六年。

漢書本紀云。河平四年。遣光祿大夫博士嘉等十一人。行舉瀕河之郡。

又云。陽朔二年秋。關東大水。流民欲入函谷天井壺口五院關者。勿苛留。遣諫大夫博士分行視。奉使者

不稱。詔曰：古之立太學，將以傳先王之業，流化於天下也。儒林之官，四海淵原，宜皆明於古今，溫故知新，通達國體。故謂之博士。否則學者無述焉，爲下所輕，非所目尊道德也。工欲善其事，必先利其器。丞相御史，其與中二千石、二千石雜舉，可充博士位者，便卓然可觀。

又云：鴻嘉二年春三月，博士行飲酒禮，有雉蜚集於庭，歷階升堂而雊。

禮樂志云：成帝時，謁者常山王禹世受河間樂，能說其義。其弟子宋曩等上書言之，下大夫博士平當等攷試。

溝洫志云：成帝初，丞相御史白博士許商治尙書，善爲算，能度功用，遣行視。

刑法志云：成帝河平中，詔中二千石、二千石、博士及明律令者，議減死刑。

孔光傳云：成帝初卽位，舉爲博士，數使錄冤獄，行風俗，振贍流民，奉使稱旨。是時博士選三科高第爲尙書，次爲刺史，其不通政事，日久次補諸侯太傅。光目高第爲尙書。

儒林傳序云：成帝末，或言孔子布衣，養徒三千人。今天子太學弟子少，於是增弟子員三千人，歲餘復如故。

案弟子員，蓋謂博士弟子員也。困學紀聞云：晉灼曰：西京無太學。公孫弘曰：請因舊官而興焉。其肄業之地，則太常也。傳授之師，則五經博士也。三輔黃圖：漢太學在長安西北七里。關中記：在安門之東。杜門之西。何武歌太學下。王咸舉幡太學下。則有太學矣。或曰：晉灼目漢初言黃圖記武帝時。

士若瓌云。漢書武帝紀贊曰。興太學。但武帝雖因董仲舒之言。對策曰。願陛下興太學。置明師。呂養天下之士。然賈山語特文帝。未假行耳。而興太學。然實未嘗別設官。置弟子員也。故知儒林傳贊所云太學弟子。仍是博士弟子耳。

後漢書伏湛傳云。九世祖勝。字子賤。所謂濟南伏生者也。父理爲當世名儒。目詩授成帝。時爲高密太傅。別自名學。湛少傳父業。教授數百人。成帝時。目父任爲博士弟子。

案本紀。河平三年。光祿大夫劉向校中祕書。謁者陳農使使求遺書於天下。師古曰。言令陳農爲使。使求遺書也。

哀帝建平四年。元壽二年。凡在位六年。

漢書本紀云。博士弟子父母死。子寧三年。師古曰。甯謂處家持喪服。

楚元王交傳云。歆親近。欲建立左氏春秋及毛詩。逸禮。古文尙書。皆列學官。哀帝令歆與五經博士講論其義。諸博士或不肯置對。歆因移書太常博士責讓之。

平帝元始五年。凡在位五年。

漢書本紀云。元始五年。詔羲和劉歆等四人。使治明堂辟雍。令漢與文王靈臺。周公作洛同符。徵天下通。知逸禮。古記。天文。歷算。鐘律。小學。史篇。方術。本草。及目五經。論語。孝經。爾雅。教授者。在所爲。駕一封軺。傳。遣詣京師。至者數千人。

藝文志云。周官經六篇。王莽時。劉歆置博士。

儒林傳序云。平帝時。王莽秉政。增元士之子得受業如弟子。勿曰爲員。歲課甲科四十人。爲郎中。乙科二

十人。爲太子舍人。丙科四十人。補文學掌故。

贊云。平帝時又立左氏春秋。毛詩。逸禮。古文尙書。所目罔羅遺失。兼而存之。是在其中矣。

案傳贊雖有此語。而四家博士姓名無可攷。

王莽傳云。平帝四年。奏起明堂辟雍靈臺。爲學者築舍萬區。作市常滿倉。制度甚感。立樂經。益博士員。經各五人。徵天下通一藝教授十一人。目上。及有逸禮。古書。毛詩。周官。爾雅。天文。圖讖。鐘律。月令。兵法。史篇。文字。通知其意者。皆詣公車。網羅天下異能之士。至者前後千數。皆令記說庭中。將令正乖謬。壹異說云。

後漢書蘇竟傳云。平帝世。目明易爲博士。講書祭酒。善圖緯。能通百家之言。

王充論衡效力篇云。王莽之時。省五經章句。皆爲二十萬。博士弟子郭路夜定舊說。死於燭下。

漢王國博士

河間獻王

漢書景十三王傳云。孝景皇帝。栗姬生河間獻王德。目孝景前二年立。脩學好古。實事求是。從民間得善書。必爲好寫與之。留其真。加金帛。賜目招之。繇是四方道術之人。不遠千里。或有先祖舊書。多奉目奏。

獻王者。故得書多。與漢朝等。所得書皆古文。先秦舊書。周官、尚書、禮記、孟子、老子之屬。皆經傳說記。七十子之徒所論。其學舉六藝。立毛氏詩、左氏春秋博士。修禮樂。被服儒術。造次必於儒者。

鄭君詩譜云。魯人大毛公爲訓詁傳於其家。河間獻王得而獻之。曰小毛公爲博士。

漢書儒林傳云。毛公。趙人。治詩。爲河間獻王博士。鄭君六藝論云。獻王號之曰毛詩。見毛詩正義。

案陸璣毛詩草木疏云。荀卿授魯國毛亨。經典敘錄云。河間人。一云魯人。作詁訓傳。以授趙國毛萇。時人謂亨爲大

毛公。萇爲小毛公。今傳云毛公。趙人。則爲獻王博士者。小毛公萇也。與詩譜合。

又云。賈誼爲左氏傳訓故。授趙人賈公。爲河間獻王博士。

案百官公卿表云。景帝中五年。令諸侯王不得復治國。天子爲置吏。改丞相曰相。省御史大夫。廷尉、少府、宗正、博士官。則獻王之立毛氏、左氏博士。蓋在初就國時。

漢目前博士

魯

史記循吏傳云。公儀休者。魯博士也。

案孟子載淳于髡曰。魯繆公之時。公子儀爲政。子柳子思爲臣。趙岐以爲公儀休。攷孟子未及受業於子思。而休與子思同時。則休當在孟子目前數十年。繆公魯世家作穆公。穆公名顯。哀公會孫。哀公卒後五十八年立。

宋

褚少孫補史記龜策傳云。宋元王博士衛平。

案宋至偃始僭王。即為齊魏楚所滅。目前祇有平公之子佐。諡元公。魯昭公十年立。二十五年薨。但春秋傳未見有博士之稱。此傳宋元王。當是宋王偃之誤。宋王偃或亦作宋偃王。

魏

漢書賈山傳云。祖父祛。故魏王時博士弟子也。師古曰。六國時魏也。

秦

史記封禪書云。始皇即帝位。三年。東巡郡縣。祠騶嶧山。頌秦功業。於是徵從齊魯之儒生博士七十人。至乎泰山下。諸儒生或議曰。古者封禪。為蒲車。惡傷山之土石草木。埽地而祭。席用菹稭。言其易遵也。始皇聞此議。各乖異。難於用。由是絀儒生。而遂除車道。上自泰山陽。至巔。立石頌秦始皇帝德。明其得封也。始皇之上泰山。中阪遇暴風雨。休於大樹下。諸儒生既絀。不得與用於封事之禮。開始皇遇風雨。則譏之。

案此焚阮之禍所自起也。鄙儒不知時變。宜為叔孫子所譏耳。

漢書藝文志。儒家羊子四篇。注云。百章。故秦博士。

又名家黃公四篇。注云。名疵。為秦博士。

案此注皆班氏自作。

叔孫通傳云。辭人也。晉灼曰。楚漢春秋名何。

秦時。呂文學徵待詔博士。數歲。陳勝起。二世召博士諸儒生。問曰。楚成

卒攻。斬入陳。於公何如。博士諸生三十餘人前曰。人臣無將。將則反。罪死無赦。願陛下急發兵擊之。二

世怒。作色。通前曰。諸生言皆非。夫天下爲一家。毀郡縣城。鑠其兵。視識天下。弗復用。且明主在上。法令

具於下。吏人人奉職。四方幅湊。安有反者。此特羣盜鼠竊狗偷。何足置齒牙間哉。郡守尉令捕誅。何足

憂。二世喜。盡問諸生。諸生或言反。或言盜。於是二世令御史按諸生言反者下吏。非所宜言。言盜者皆

罷之。迺賜通帛二十疋。衣一襲。拜爲博士。

京房傳云。昔秦時。趙高用事。有正先者。非刺高而死。高威自此成。故秦之亂。正先趣之。孟康曰。姓正。名

儒林傳云。伏生。濟南人也。張晏曰。名勝。伏生碑云也。故爲秦博士。

陳留風俗傳云。圜公爲秦博士。避地南山。漢祖聘之。不出。惠太子卽位。以圜公爲司徒。見顏師古匡謬正俗。

案此卽商山四皓之一也。他書多作園公。

陳涉

史記孔子世家云。孔鮒爲陳涉博士。死於陳下。

又儒林傳云。陳涉之王也。而魯諸儒持孔氏之禮器往歸陳王。於是孔申爲陳涉博士。卒與涉俱死。徐廣曰。孔

子八世孫。

案徐氏以鮒爲孔子八世孫者。從伯魚數起。至鮒八世也。攷孔光傳。孔子十四世孫也。王氏鳴盛云。十四世。乃連前後并及身而總言之。後人言譜牒者。當以此爲例。則注孔鮒者。當云孔子九世孫。乃錢氏大昕有云。孔子世家。鮒弟子襄。子襄生忠。是子襄爲鮒弟矣。孔光傳。鮒弟子襄。襄生忠。則襄爲鮒弟之子矣。孔光爲孔子十四世孫。鮒襄各爲一世。乃合十四之數。世家蓋衍一子字。錢氏之說。正與徐合。亦從伯魚數起也。二說不同。攷漢書古今人表。孔襄注云。孔鮒弟子與錢說合。至藝文志注。師古曰。家語云。孔騰字子襄。則或孔鮒弟子本名騰。字子襄。後以字行。遂曰孔襄耳。又案陳涉置博士。不過如公孫述之有博士吳柱耳。本不足數。但孔鮒乃夫子九世孫。慨然受其祿。卒以身殉。烏可不書。太史公曰。陳涉起匹夫。驅瓦合適戍。旬月。曰王楚。不滿半歲。竟滅亡。其事至微。淺然而搢紳先生之徒。負孔子禮器。往委質爲臣者。何也。曰秦焚其業。積怨而發憤於陳王也。

漢西京博士考二

易

楊何 字叔元。淄川人。初魯商瞿子木受易孔子。以授魯橋庇子庸。子庸授江東馯臂子弓。子弓授

燕周醜子家。子家授東武孫虞子乘。子乘授田何子裝。漢興田何自齊田徙杜陵。號杜田生。授東武王同子中。雒陽周王孫。丁寬。齊服生。皆箸易傳。同授楊何。武帝元光中徵爲大中大夫。見儒林傳。

案傳不言楊何爲博士。而贊有禮后易楊之語。何也。攷武帝六年改元元光。豈何先爲博士。後爲大中大夫。而傳略之與。

田王孫 碭縣人。受易於丁將軍寬。爲博士。授施讐。孟喜。梁丘賀。見儒林傳。

施讐 字長卿。沛郡人。受易於田王孫。常僭學廢不教授。及梁丘賀爲少府。事多迺遣子臨。分將門人張禹等。從讐問。讐自匿不肯見。賀固請不得已。迺授臨等。於是賀薦讐結髮事師數十年。賀不能及。詔拜讐爲博士。宣帝甘露中與五經諸儒雜論同異於石渠閣。授張禹魯伯。見儒林傳。

張禹 字子文。河內軹縣人。至禹父徙家蓮勺。壯至長安。從施讐受易。琅邪王陽。膠東庸生問論語。皆明習。宣帝甘露中薦試博士。仕至丞相。封安昌侯。弟子尤著者。彭宣。戴崇。禹爲論語章句。始魯扶卿及夏侯勝。王陽。蕭望之。韋元成。皆說論語篇第或異。禹先事王陽。後從庸生。采獲所安。最後出而

尊貴。由是學者多從張氏。餘家淺微。見本傳。

案禹之易初從梁丘賀受。後從施讐受。見儒林傳。而其學卒曰論語顯。釋文敍錄曰。禹受魯論於夏侯建。又從庸生。王吉受齊論。擇善而從。號曰張侯論。目授成帝。禹受學夏侯建。漢書本傳及儒林傳皆不載。僅見於此。建之學本出於勝。勝與魯扶卿。蕭望之。韋元成。傳魯論者也。王陽。膠東庸生。傳齊論者也。張侯論出。而二論始合爲一矣。至後漢鄭康成就魯論篇章。攷之齊。合而爲之。注而三論皆合爲一矣。今所傳本是也。王吉。字子陽。故亦曰王陽。見後。

彭宣。字子佩。淮陽陽夏人。治易事張禹爲博士。仕至大司空。封長平侯。會哀帝崩。王莽秉政。乞骸骨歸。見本傳。

白光。翟牧。光字少子。東海人。牧字子兄。沛人。皆從孟喜受易。爲博士。喜字長卿。東海蘭陵人。父孟卿。善爲禮。春秋授后倉。疏廣。世所傳后氏禮。疏氏春秋。皆出孟卿。孟卿目禮經多。春秋煩雜。迺使喜從田王孫受易。喜好自稱譽。得易家侯陰陽災變書。詐言師田生且死時。枕喜膝。獨傳喜。諸儒目此耀之。同門梁丘賀。疏通證明之。曰田生絕於施讐手中。時喜歸東海。安得此事。又蜀人趙賓。好小數書。後爲易。飾易文。目爲箕子明夷。陰陽氣亡箕子。箕子者。萬物方荄滋也。賓持論巧慧。易家不能難。皆曰非古法也。云受孟喜。喜爲名之。後賓死。莫能持其說。喜因不肯。初目此不見信。博士缺。衆人薦喜。上聞喜改師法。遂不用。見儒林傳。兄音况。

案三家之易喜最高。而同門梁丘賀嫉之。衆人薦喜。公論也。喜改師法。誣詞也。上者宣帝也。宣帝何自而聞賀方爲少府。近幸故也。於是詔拜施讐爲博士矣。然未久而孟喜之易終立於學官。弟子白光、翟牧皆爲博士。至漢末而許慎、荀爽、虞翻諸人。嚶明其學。梁施之易皆亡於梁。惟孟氏章句。隋唐志猶載之。今全書雖佚。而許君說文解字序。自言僞易孟氏。則書中所用皆孟易也。漢儒易說傳於今者。荀虞最夥。亦皆孟氏易義也。且遺文斷句。概見於陸德明釋文。孔穎達正義。李鼎祚集解。呂祖謙音訓。朱震漢上易傳。以及唐一行歷議。羅莘路史注。王應麟困學紀聞。所徵引者。尙多可攷。抑於一時而伸於千載。於以見權勢之無常。而學術之自有真也。

白子友

見朱雲傳。或卽孟喜弟子白光。

朱雲

字游。魯人。徙平陵。年四十從博士白子友受易。又事前將軍蕭望之。受論語。皆能傳其業。元

帝時。少府五鹿充宗貴幸。爲梁丘易。自宣帝善梁丘氏說。元帝好之。欲攷其異同。令充宗與諸易家論。充宗乘貴辯口。諸儒莫能與抗。皆僞疾不敢會。有薦雲者。召入。攝囊登堂。抗首而請。音動左右。既論難。連柱五鹿君。故諸儒爲之語曰。五鹿嶽嶽。朱雲折其角。繇是爲博士。見本傳。

嚴望

嚴元。九江人。元字仲能。望兄子也。皆傳朱雲學。爲博士。望仕至泰山太守。見朱雲傳。

士孫張

字仲方。平陵人。從五鹿充宗受梁丘易。爲博士。仕至揚州牧。光祿大夫。給事中。見儒林傳。

梁丘臨

琅邪諸人。梁丘賀子也。賀字長翁。從大中大夫京房受易。房者。淄川楊何弟子。房出爲齊郡

太守賀更事田王孫。宣帝時。聞京房爲易明。求其門人。得賀。召入說。上善之。目筮有應。近幸。仕至少府。事多。遣子臨從。施讐受業。爲黃門郎。甘露中。奉使問諸儒於石渠。臨學精孰。專行京房法。琅邪王吉通五經。聞臨說善之。時宣帝選高材郎十人從臨講。吉迺使其子郎中駿上疏從臨受易。臨亦仕至少府。見儒林傳。

案顏師古注云。此別一京房。非焦延壽弟子。爲課吏法者。或書字誤耳。不當爲京房。攷焦延壽弟子當元帝時。而此在宣帝之前。其爲別一人無疑。

又案史不言梁丘臨爲博士。然儒林傳贊有宣帝立梁丘易之語。其時賀已前歿。而臨講石渠。則爲博士者。當即臨也。

殷

嘉 姚 平 乘 宏 嘉 東海人。平 河東人。宏 河南人。皆從京房受易。爲博士。房字君明。東郡

頓丘人。本姓李。推律自定。爲京氏治易。事梁人焦延壽。延壽自云嘗從孟喜問易。會喜死。房曰爲延壽易。卽孟氏學。翟牧白生不肯。皆曰非也。至成帝時。劉向校書。攷易說。曰爲諸家皆祖田何。楊叔丁將軍。大誼略同。唯京氏爲異。黨延壽獨得隱士之說。託之孟氏。不與相同。房曰明災異得幸。爲石顯所譖誅。見本傳及儒林傳。黨讀儻。

案京房傳云。延壽字贛。而師古注儒林傳又云。延壽其字名贛。未知別有據否。此白生卽白光也。翟白皆孟喜弟子。京氏立於元帝之世。見儒林傳贊。

又案藝文志京氏段嘉十二篇師古曰卽京房所從受易者也見儒林傳及劉向別錄然據儒林傳則嘉受易於房非房受易於嘉也顏氏誤矣況志明云京氏段嘉嘉書而冠曰京氏尤可爲嘉從房受之證唯傳作殷嘉志作段嘉不知誰誤

蘇竟字伯況扶風平陵人平帝世以明易爲博士講書祭酒善圖緯能通百家之言光武時仕至代郡太守見後漢本傳

案蘇竟明易不言何氏又祭酒乃中興日後之稱西京名僕射傳殊疏畧

尙書

張生濟南人史失其名從伏生受尙書爲博士授夏侯都尉伏生名勝亦濟南人故秦博士文帝時求能治尙書者天下亡有聞伏生治之欲召時伏生年九十餘老不能行於是詔太常使掌故朝錯往受之秦時焚書伏生壁臧之其後大兵起流亡漢興伏生求其書亡數十篇獨得二十九篇教濟南張生及歐陽生張生爲博士見儒林傳師古注引衛宏定古文尙書序云伏生老不能正言言不可曉使其女傳言教錯齊人語多與潁川異錯所不知者凡十二三畧其意屬讀而已

案此乃漢儒傳經之法也謂之師法亦曰家法古人字少聲近之字皆相假借或同言異字或同字異言非口授不明故史漢傳儒林必詳其授受而梁丘賀遣子臨門人張禹從施讐問夏侯建從五經諸儒問司馬遷從孔安國問也師法廢而綴學之士鄉壁虛造望文生義說之愈長而去

之愈遠矣。漢儒無無師之學。古文尙書初出孔安國。以今文讀之。因引起其家。使無今文。則安國亦不能傳也。春秋家鄒氏無師。其傳遂泯。鄭君康成於書。止注伏孔皆有之二十九篇。於禮。止注與高堂生所傳同之十七篇。而餘篇不注。亦曰無師法故耳。揚子雲云。一闕之市。必立之平。一卷之書。必立之師。而況經乎。後出書序。乃謂伏生失其本經。口以傳授。攷儒林傳云。秦人焚書。伏生壁臧之。漢定。伏生求其書。得二十九篇。以教於齊魯之間。藝文云。書家經二十九卷。注云。大小夏侯二家。又云。歐陽生經三十二卷。皆伏生之本經也。何嘗失哉。

歐陽高 歐陽地餘 高字子陽。千乘人。地餘字長賓。高孫也。其先歐陽生。史失其名。字和伯。從伏生受尙書。曰授兒寬。寬又曰郡國選詣博士。受業孔安國。寬授歐陽生子世。世相傳。至曾孫高。爲博士。高孫地餘。曰太子中庶子。授太子。後爲博士。論石渠。見儒林傳。

案後漢書儒林歐陽歛傳云。自歐陽生傳伏生尙書。至歛八世。皆爲博士。釋文敍錄同。是歐陽氏之爲博士。不始於高矣。然漢書明云。伏生教濟南張生及歐陽生。張生爲博士。則歐陽生未爲博士可知。又云。兒寬授歐陽生子世。世相傳。至曾孫高。爲博士。則高曰上。皆未爲博士可知。范氏之言。不知何據。陸德明蓋仍其誤。

又案歐陽高。說文引作歐陽喬。崑下

林尊 字長賓。濟南人。事歐陽高。爲博士。論石渠。後至少府太子太傅。授平當。翁生。見儒林傳。

平當 字子思。祖父曰訾百萬。自下邑徙平陵。當少爲大行治禮丞。曰明經爲博士。哀帝時。仕至丞相。曰冬月賜爵關內侯。見本傳。授朱普、鮑宣。見儒林傳。

殷崇 琅邪人。與楚國龔勝皆從翁生受尙書。崇爲博士。見儒林傳。

朱普 字公文。九江人。與上黨鮑宣皆從平當受尙書。普爲博士。見儒林傳。

夏侯勝 夏侯建 勝字長平。東平人。建字長卿。勝從父兄子也。其先夏侯都尉。從濟南張生受尙書。曰傳族子始昌。始昌通五經。勝少孤。從始昌受尙書及洪範五行傳。說災異。後事同郡蔣卿。蔣卿者。兒寬門人。勝又從歐陽氏問。爲學精執。善說禮服。徵爲博士。宣帝時。曰尙書授太后。遷長信少府。賜爵關內侯。受詔撰尙書論語說。建自師事勝。及歐陽高。左右采獲。又從五經諸儒問。與尙書相出入者。牽引曰次章句。具文飾說。勝非之。曰建所謂章句小儒。破碎大道。建亦非勝。爲學疏畧。難曰應敵。建卒。自顓門名經爲議郎博士。至太子少傅。見本傳。勝嘗於獄中授黃霸經。繫。再更冬。講論不怠。亦見本傳。

案勝本傳。曰建爲勝從父子。儒林傳又言勝傳從兄子建。疑不能明也。釋文敘錄云。建勝從父兄子。今從之。

孔安國 孔延年 安國字子國。孔子十一世孫也。延年安國兄子。皆曰治尙書爲博士。安國仕至臨淮太守。孔氏又有古文尙書。安國曰今文讀之。因曰起其家。遭巫蠱之亂。未立於學官。見儒林及孔

光傳。安國又受詩於魯申公。亦見儒林傳。

案孔光傳云。忠生武及安國。武生延年。則延年安國兄子也。乃史記孔子世家云。忠生武。武生延年及安國。則延年偁安國之兄矣。釋文敍錄曰。安國爲孔子十二世孫。蓋取史記。但史記敍世系多錯誤。而孔光夫子後人。其傳必有所據。今從之。家語附錄亦曰。武爲子國。爲兄弟。然云子國孔子十二世孫。則非。

又案子國初受伏生尙書。其爲博士。曰伏生尙書也。詳見下。

孔霸。字次儒。延年子也。治尙書。與周堪皆事夏侯勝。霸爲博士。堪譯官令。論於石渠。經最高。後霸爲大中大夫。授皇太子經。遷詹事。高密相。元帝卽位。曰師賜爵關內侯。號褒成君。見孔光傳。

孔光。字子夏。孔子十四世孫也。孔子生伯魚。鯉。鯉生子思。伋。伋生子上帛。帛生子家。求。求生子真。箕。箕生子高。穿。穿生順。順爲魏相。順生鮒。鮒爲陳涉博士。死陳下。鮒弟子襄爲惠帝博士。襄生忠。忠生武。及安國。武生延年。安國延年皆武帝博士。延年生霸。昭帝博士。霸傳子光。成帝初。舉爲博士。仕至丞相。封博山侯。徙爲帝太傅。又徙太師。見儒林及本傳。

案本傳與史記世家不同。已見前。伯魚。一世也。子思。二世也。子上。三世也。子家。四世也。子真。五世也。子高。六世也。順。七世也。鮒。八世也。襄。九世也。忠。十世也。武與安國。十一世也。延年。十二世也。霸。十三世也。光。十四世也。又帛。世家作白。禮記檀弓亦作白。疑帛古通用字。

牟卿 名字里居皆無攷治尚書與許商皆事周堪牟卿爲博士見儒林傳

許商 字長伯長安人從周堪受尚書堪與孔霸俱事夏侯勝商善爲算箸五行論歷仕至九卿授

沛唐林子高平陵吳章偉君重泉王吉少音齊焮欽幼卿見儒林傳

案溝洫志成帝初丞相御史白博士許商治尚書善爲算能度功用遣行視是商元成間博士也

吳章 焮欽章字偉君平陵人欽字幼卿齊人皆從許商受尚書爲博士商號其門人唐林爲

德行吳章爲言語王吉爲政事焮欽爲文學王莽時林吉爲九卿自表上師冢大夫博士郎吏爲許

氏學者各從門人會車數百輛儒者榮之章欽徒衆尤盛章爲王莽所誅見儒林傳焮音桂

張山拊 字長賓平陵人治尚書事夏侯建爲博士論石渠仕至少府授同郡李尋子長鄭寬中少君

山陽張無故子儒信都秦恭延君陳留假倉子驕無故善修章句爲廣陵太傅守小夏侯說文恭增

師法至百萬言爲城陽內史倉日謁者論石渠至膠東相尋善說災異爲騎都尉見儒林傳

鄭寬中 字少君平陵人治尚書事張山拊日博士授太子成帝卽位賜爵關內侯遷光祿大夫領尚

書事見儒林傳

馮賓 魯人從秦恭受尚書爲博士見儒林傳

案目上諸人所傳皆伏生尚書也史記儒林傳云伏生教濟南張生及歐陽生歐陽生教千乘兒

寬寬既通尚書目文學應郡舉詣博士受業孔安國位至御史大夫案寬所受伏生尚書也蓋安國此時尙未得古文張

生亦爲博士。自此之後，魯周霸、孔安國、雒陽賈嘉，頗能言尙書事。是安國本傳伏生尙書者。班氏於周霸下刪孔安國三字，非也。後安國又從魯共王，得壁中所藏古文，遭亂未得立。目授都尉朝而司馬遷亦從安國問故。書載堯典、禹貢、洪範、微子、金縢諸篇，多古文說。朝授膠東庸生，庸生授清河胡常，常目明穀梁春秋爲博士，常授皦徐敖，敖授王璜，平陵塗暉子真，暉授河南桑欽君長。王莽時，諸學皆立，劉歆爲國師，璜、暉等皆貴顯。見儒林傳。傳贊又云：平帝又立古文尙書，是當時有古文尙書博士，特其人姓名里居無可攷耳。後漢書賈逵父歆受古文尙書于塗暉，暉卽璜也。字形相似。

詩

申公 名培，魯人。少與楚元王交，俱事齊人浮丘伯受詩。伯者，孫卿門人也。漢興，高祖過魯，申公

弟子從師，入見於魯南宮。呂后時，伯在長安。楚元王遣子郢客於申公，俱卒學。文帝聞申公爲詩最

精，目爲博士。元王薨，申公隨郢客歸。郢客嗣立，令申公傅太子戊。戊不好學，病申公，及立胥靡之申

公歸魯，居家教授。弟子自遠方至者千餘人。申公獨目詩經爲訓故，亡傳疑者，則闕弗傳。武帝卽位，

申公弟子蘭陵王臧爲郎中令，代趙綰爲御史大夫，請立明堂，目朝諸侯，不能就其事。迺言師申公

武帝使使束帛加璧，安車蒲輪，迎申公至。武帝問治亂之事，申公時已八十餘，對曰：爲治者不在多

言，顧力行何如耳。是時，武帝方好文學，見申公對默然，然已招致，卽目爲大中大夫。舍魯邸，久之，病

免歸。弟子爲博士者十餘人。見儒林及楚元王傳。儒林傳又云：申公卒，目詩春秋授，而瑕丘江公盡

能傳之。徒衆最盛。及魯許生。免中徐公。皆守學教授。

周 霸 夏 寬 魯 賜 繆 生 徐 偃 闕門慶忌 霸魯人。賜。碭人。生。蘭陵人。寬。偃。慶忌。無可攷。皆從申公受詩。爲博士。見儒林傳。

韋 賢 字長孺。魯國鄒人。楚元王傳。韋孟五世孫也。治詩。事博士大江公及魯許生。兼通禮。尙書。曰詩教授。號稱鄒魯大儒。徵爲博士給事中。進授昭帝詩。仕至丞相。封扶陽侯。傳子元成。以灌陽中尉論石渠。亦爲丞相。見本傳。

義 倩 里居不詳。韋賢門下生。見韋元成傳。賢曰詩教授。則倩亦傳魯詩者。宣帝時爲博士也。師古曰。姓義。名倩。

王 式 字翁思。東平新桃人。事免中徐公及許生。爲昌邑王師。昭帝崩。昌邑王嗣立。曰淫亂廢。昌邑羣臣皆下獄。唯中尉王吉。郎中令龔遂。曰數諫減死論。式繫獄當死。治事使者責問曰。師何。曰亡。諫書。式對曰。臣。曰三百五篇朝夕授王。至於忠臣孝子之篇。未嘗不爲王反復誦之也。至於危亡失道之君。未嘗不流涕爲王深陳之也。臣。曰三百五篇諫。是。曰亡。諫書。使者。曰聞。亦得減死論。歸家不教授。張長安先事式。後唐長賓。褚少孫。亦來事式。問經數篇。式謝曰。聞之於師。具是矣。自潤色之。不肯復授。唐生。褚生。應博士弟子選。詣博士。摳衣登高。頌禮甚嚴。試誦說有法。疑者止。蓋不言。諸博士驚問何師。對曰。事式。皆素聞其賢。共薦式。詔除下爲博士。式徵來。衣博士衣而不冠。曰。刑餘之人。何宜

復充禮官。既至，止舍中。會諸大夫博士，共持酒肉勞式，皆注意高仰之。博士江公世爲魯詩宗，至江公，著孝經說，心嫉式，謂歌吹諸生曰：「歌驪駒，式曰：聞之於師，客歌驪駒，主人歌客，無庸歸。今日諸君爲主人，日尙早，未可也。」江公曰：「經何旨言之？」式曰：「在曲禮。」江公曰：「何狗曲也？」式恥之，陽醉邊墜，客罷，讓諸生曰：「我本不欲來，諸生彊勸我，竟爲豎子所辱，遂謝病免歸。」見儒林傳。

張長安，字幼君，山陽人。治詩，事王式爲博士。論石渠，仕至淮陽中尉。授兄子游卿爲諫大夫。目詩授元帝。見儒林傳。

唐長賓，東平人。治詩，事王式爲博士。仕至楚太傅。見儒林傳。

褚少孫，沛人。治詩，事王式爲博士。見儒林傳。

許晏，陳留人。治詩，事張生兄子游卿爲博士。見儒林傳。

薛廣德，字長卿，沛郡相人。事王式。目詩教授。楚國龔勝舍師事焉。蕭望之爲御史大夫，薦爲博士。論石渠，仕至御史大夫。見儒林及本傳。

龔舍，字君倩，楚人。與龔勝相友，竝署名節。世謂之楚兩龔，皆從薛廣德受詩。舍目勝薦，徵爲諫大夫，病免。復徵爲博士，又病去。哀帝拜爲泰山太守，數月，乞骸歸。又徵爲光祿大夫，終不肯起。舍通五經，目詩教授。見儒林及本傳。

江生，史失其名。後漢書卓茂傳云：「元帝時學於長安，事博士江生，習詩禮及歷算，究極師法。」

案瑕丘江公。本受詩於魯申公。家傳其業。世爲魯詩宗。此江生。疑卽其後人也。

右師細君。包咸師也。咸少爲諸生。受業長安。師事博士右師細君。習魯詩論語。見後漢書儒林傳。李賢注云。右師姓。

案右師不詳其名。細君當是其字。里居時代。皆無可攷。但據傳云。包咸。王莽末。去歸鄉里。則細君爲博士。蓋在哀平間。

轅固生。齊人。治詩。景帝時爲博士。後呂固廉直。拜爲清河太傅。疾免。武帝卽位。復呂賢良徵。諸儒多嫉毀固。曰固老。罷歸之。時固已九十餘。公孫弘亦徵。仄目而視固。曰公孫子務正學。目言無曲學。目阿世。諸齊人目詩顯貴。皆固之弟子也。夏侯始昌最明。見儒林傳。

后倉。東海郟人。事夏侯始昌。始昌通五經。倉亦通詩禮。爲博士。至少府。授翼奉。蕭望之。匡衡。見儒林傳。

白奇。字里無可攷。蕭望之傳云。治齊詩。事后倉且十年。目令詣太常受業。復事同學博士白奇。師古曰。常同於后倉受業。而奇後爲博士。則奇亦后倉弟子也。

翼奉。字少君。東海下邳人。治詩。與蕭望之。匡衡同師。衡爲後進。望之施之政事。而奉惇學不仕。好律歷陰陽之占。元帝初。諸儒薦之。徵待詔。數言事。宴見。天子敬焉。及衡爲丞相。奏徙南北郊。其議皆自奉發之。目中郎爲博士。見本傳。

匡衡字稚圭。東海承人。好學。精力過絕人。諸儒爲之語曰。無說詩。匡鼎來。匡說詩。解人頤。射策甲科。目不應。令除爲太常掌故。調補平原文學。蕭望之奏衡經學精習。說有師道。可觀覽。宣帝不甚用。儒遣歸官。元帝初。樂陵侯史高爲郎中。遷博士。仕至丞相。封樂安侯。子咸亦明經。歷位九卿。家世多爲博士者。見本傳。

師丹字仲公。琅邪東武人。治詩。事匡衡。舉孝廉爲郎。元帝末。爲博士。免。成帝建始中。州舉茂材。復補博士。目哀帝太傅。仕至大司空。封高樂侯。見本傳。

韓嬰。韓商。燕人。商。嬰孫也。嬰文帝時博士。仕至常山太傅。嬰推詩人之意。而作內外傳數萬言。頗與齊魯殊。然歸一也。淮南賁生受之。韓生亦目易授人。推易意而爲之傳。燕趙間好詩。故其易微。唯韓氏自傳之。武帝時。嬰嘗與董仲舒論於上前。其人精悍。處事分明。仲舒不能難也。後其孫商爲博士。宣帝時。涿郡韓生。其後也。目易徵待詔殿中。曰。所受易卽先太傅所傳也。嘗受詩。不如易深。故專傳之。司隸校尉蓋寬饒。本受易於孟喜。見涿韓生說易而好之。卽更從受焉。見儒林傳。

食子公。河內人。從蔡誼受詩。爲博士。誼。河內溫人。事同郡趙子。趙子事燕韓生。誼目明經。給事大將軍幕府。久之。詔求能爲韓詩者。徵誼待詔。擢爲光祿大夫給事中。進授昭帝。仕至丞相。封陽平侯。見儒林及蔡誼傳。宋氏祁云。食音嗣。

王吉字子陽琅琊皋虞人少與食子公同受詩於蔡誼好學兼通五經能爲騶氏春秋目詩論語教授舉孝廉爲郎遷雲陽令舉賢良爲昌邑中尉昌邑王嗣昭帝後目行淫亂廢吉目忠直數諫正得減死髡爲城旦起家復爲益州刺史病去官復徵爲博士諫大夫見本傳

長孫順菑川人從王吉受詩爲博士見儒林傳王國博士姓名附

毛公趙人治詩爲河間獻王博士授同國貫長卿長卿授解延年延年授徐敖敖授九江陳俠俠

爲王莽講學大夫見儒林傳

案此小毛公名萇者見王國博士攷平帝時曾立毛詩博士見儒林傳贊但其人不詳

禮

后倉已見詩漢興魯高堂生傳士禮十七篇而魯徐生善爲頌文帝時目頌爲禮官大夫傳子

至孫延襄弟子公戶滿意桓生單次皆爲禮官大夫瑕丘蕭奮目禮至淮陽太守諸言爲頌者由徐氏東海孟卿事蕭奮目授后倉倉爲博士說禮數萬言號曰后氏曲臺記授沛聞人通漢子方戴德戴聖慶普見儒林傳師古曰頌讀與容同桓生單次二人

案十七篇卽今之儀禮也倉雖亦目詩教授而其學長於禮故儒林傳贊有禮后易楊之語至今大小戴禮記屹然與諸經並時而皆出於倉則倉實禮家之大宗也不得目詩家已列其姓名而此遺之

又案閻徵君若璩云。高堂生亦秦博士。然漢書志傳。但言魯高生博士禮。不言爲秦博士。不知徵君何本。

戴德。戴聖。梁人。德字延君。號大戴。爲信都太傅。聖字次君。號小戴。目博士論石渠。至九江太守。大戴授徐良。小戴授梁人橋仁。季卿。楊榮子孫。師古曰。子孫榮字。

案釋文敍錄云。禮記者。本孔子門徒共撰所聞。後人通儒各有損益。陳邵周禮論序云。戴德刪古禮二百四篇爲八十五篇。謂之大戴禮。戴聖刪大戴禮爲四十九篇。是爲小戴禮。後漢馬融。盧植。攷諸家同異。附戴聖篇章。去其繁重。及所敍畧。而行於世。卽今之禮記是也。鄭康成亦依馬盧之本而注焉。

又案二戴皆梁人。蓋兄弟。故德字延君。聖字次君也。

慶普。字孝公。沛人。與大小戴同受禮於后倉。爲東平太傅。授魯夏侯敬。又傳族子咸。見儒林傳。

案儒林傳。不言戴德。慶普爲博士。然藝文志。高堂生傳。士禮十七篇。訖孝宣世。后倉最明。戴德。戴聖。慶普。皆其弟子。三家立於學官。儒林傳贊亦云。孝宣立大小戴禮。今據之。

徐良。字游卿。琅邪人。治禮。事戴德。爲博士。州牧郡守。家世傳業。見儒林傳。

案平帝時。又立逸禮博士。見儒林傳贊。而人無可攷。

胡母生 字子都。齊人。治公羊春秋。爲景帝博士。與董仲舒同師。年老歸。教於齊。齊人言春秋者。宗事之。公孫弘亦頗受焉。見儒林傳。

公孫弘 菑川薛人。少時爲獄吏。有罪免。家貧。牧豕海上。年四十餘。乃學春秋雜說。武帝卽位。弘年六十。目賢良徵爲博士。使匈奴還報。不合意。移病免歸。元光五年。復徵賢良文學。對策。擢爲第一。召入。見容兒甚大。拜爲博士。待詔金馬門。仕至丞相。封平津侯。見本傳。

案公孫子學本不精。故本傳云。學春秋雜說。而轅固生有曲學阿世之譏。目胡母生傳中云。公孫弘頗受焉。瑕丘江公傳中。又有公孫弘本爲公羊學之語。姑列於此。

董仲舒 廣川人。少治公羊春秋。爲景帝博士。與胡母生同業。下帷講誦。弟子傳目久次相受。或莫見其面。蓋三年不窺園。其精如此。通五經。仕至江都膠西相。弟子遂之者。蘭陵褚大。東平嬴公。廣川段仲溫。呂步舒。唯嬴公守學不失師法。爲昭帝諫大夫。授東海孟卿及眭孟。孟名弘。字孟。魯國蕃人。少時好俠。鬪雞走馬。長乃變節。從嬴公受春秋。見儒林及本傳并眭孟傳。

褚大 蘭陵人。事董仲舒。受春秋。通五經。武帝時爲博士。仕至梁相。見儒林及兒寬傳。

嚴彭祖 字公子。東海下邳人。與顏安樂俱事眭孟。孟弟子百餘人。唯彭祖。安樂爲明。質問疑誼。各持所見。孟曰。春秋之意。在二子矣。孟死。各顯門教授。由是公羊有嚴顏之學。彭祖爲宣帝博士。仕至左馮翊。遷太子太傅。廉直不事權貴。或說曰。天時不勝人事。君目不修小禮曲意。亡貴人左右之助。經

誼雖高。不至宰相。願少自勉強。彭祖曰。凡通經術。固當修行先王之道。何可委曲從俗。苟求富貴乎。安樂字公孫。魯國薛人。眭孟弟子也。仕至齊郡太守丞。見儒林傳。

案後漢書儒林傳。前胡母子都傳公羊春秋。授羸公。羸公授孟卿。孟卿授眭孟。眭孟授嚴彭祖。顏安樂。彭祖爲春秋嚴氏學。安樂爲春秋顏氏學。又瑕丘江公傳。穀梁春秋。三家皆立博士。今攷前書。竝無此語。顏安樂與瑕丘江公實皆未嘗爲博士也。

賈 禹 字少翁。琅邪人。治春秋。事羸公。成於眭孟。目明經絜行著聞。徵爲博士。仕至御史大夫。見儒林及本傳。

疏 廣 字仲翁。東海蘭陵人。少好學。從孟卿受春秋。家居教授。學者自遠方至。徵爲博士。仕至太子太傅。見儒林及本傳。

江博士 周 慶 丁姓 江博士。江公之孫也。史失其名。慶姓皆梁人。慶字幼君。姓字子孫。名姓丁。瑕

丘江公受穀梁春秋及詩於魯。申公傳子至孫。爲博士。武帝時。江公與董仲舒竝。仲舒通五經。能持論。善屬文。江公呐於口。武帝使與仲舒議。不如仲舒。而丞相公孫弘本爲公羊學。比輯其議。卒用仲舒。於是尊公羊家。詔太子受。太子旣通。復私問穀梁而善之。其後寢微。唯魯榮廣。王孫皓星公二人受焉。廣盡能傳其詩春秋。高材捷敏。與公羊大師眭孟等論。數困之。故好學者頗復受穀梁。沛蔡千秋及周慶。丁姓。皆從廣受。千秋又事皓星公。爲學最篤。宣帝卽位。聞衛太子好穀梁。目問章賢。夏侯

勝及樂陵侯史高皆言宜與穀梁。召千秋與公羊家竝說。帝善穀梁。選郎十人從千秋受。汝南尹更始本自事千秋。能說矣。會千秋病死。徵江公孫爲博士。劉向日故諫大夫。通達待詔。受穀梁。欲令助之。江博士復死。迺徵周慶。丁姓。待詔保宮。使卒授十人。積十餘歲。皆明習。迺召五經名儒蕭望之等。大議殿中。平公羊穀梁同異。望之等多從穀梁。由是穀梁之學大盛。慶、姓皆爲博士。姓至中山太傅。授申章昌。更始又從張禹受左氏傳。取其變理合者。曰爲章句。傅子咸及翟方進、房鳳見儒林傳。

胡常。字少子。清河人。初從江博士受穀梁春秋。既又與翟方進、房鳳同事尹更始。明習爲博士。部刺史。又傳左氏。又受古文尙書於膠東庸生。授號徐敖。見儒林傳。

申章昌。字曼君。楚人。從丁姓受春秋爲博士。仕至長沙太傅。見儒林傳。

賈誼。雒陽人。年十八。目能誦詩書。屬文稱於郡中。河南守吳公聞其秀材。召置門下。文帝初立。聞吳公治平爲天下第一。徵爲廷尉。迺言誼年少。頗通諸家之書。文帝召目爲博士。時年二十餘。超遷歲中。至太中大夫。復爲長沙梁王太傅。見本傳。

翟方進。字子威。汝南上蔡人。年十二。失父。孤西至京師。讀經博士。受春秋。積十餘年。經學明習。目射策甲科爲郎。河平中爲博士。仕至丞相。封高陵侯。方進雖受穀梁。然好左氏傳。目授劉歆。見本傳。案方進受春秋不詳何家。儒林傳言尹更始從蔡千秋受穀梁。又受左氏傳。取其變理合者。曰爲章句。傅子咸及翟方進。則方進治左氏者。攷武帝目前。博士不分經。故賈誼習左氏傳。而徵爲博

士則但取其能通諸家之書而已。至成帝河平。上距武帝建元已百餘年。時博士非五經不立。左氏未興。方進奚目爲博士哉。本傳言方進雖受穀梁。然好左氏傳。豈先受穀梁爲穀梁博士。後乃受左氏與。

息夫躬 字子微。河內河陽人。少爲博士弟子。受春秋。見本傳。

案躬受春秋。亦不詳何家。豈曰子微傾邪之士。不足詳與。或曰躬但爲博士弟子。未爲博士也。

王國博士姓名增

賈公 趙人。治左氏春秋。爲河間獻王博士。漢興。北平侯張蒼及梁太傅賈誼。京兆尹張敞。太中大夫劉公子。皆修春秋左氏傳。誼爲訓故。授賈公。傳子長卿。授清河張禹。長子禹。授尹更始。更始傳子咸。及翟方進。胡常。常授黎陽賈護。季君。護授蒼梧陳欽。子佚。曰授王莽。而劉歆從尹咸。及翟方進受。由是言左氏者。本之護。歆。見儒林傳。

案平帝時。曾立左氏春秋博士。見儒林傳贊。而人無可攷。張禹。字長子。如淳曰。非帝師張禹也。儒林傳又言尹更始。傳琅邪房鳳子元。不其人。曰射策乙科。仕至青州牧。始江博士。授胡常。常授梁蕭秉君房。王莽時。爲講學大夫。前後錯出。釋文敍錄曰。左丘明作傳。曰授曾申。申傳衛人吳起。起傳其子期。期傳楚人鐸椒。椒傳趙人虞卿。卿傳同郡荀況。況傳武威張蒼。蒼傳賈誼。誼傳至其孫嘉。嘉傳趙人賈公。賈公傳其少子長卿。長卿傳京兆尹張敞。及侍御史張禹。禹傳尹更始。更始傳

雜博士

其子咸及翟方進、胡常，常授買護，護授陳欽，又與儒林傳微有異同。然買、誼、文帝時人，貫公爲河間獻王博士。在景帝之初，而目爲誼傳，至孫嘉，嘉乃傳貫公，殊不可信。

叔孫通，薛人。秦二世博士。高祖二年，降漢，拜爲博士，號稷嗣君。與弟子儒生百餘人共起朝儀。七年，拜爲奉常。見本傳。

孔襄，孔子八世孫，鮒弟之子也。名騰，蓋以字行，已見前。字子襄，爲惠帝博士。仕至長沙王太傅。見孔光傳。公孫臣，魯人。文帝十三年，上書曰：始秦得水德，及漢受之，推終始傳，則漢當土德。土德之應，黃龍見，宜改正朔，色上黃，丞相張蒼目爲非是，罷之。明年，黃龍見成紀。文帝召公孫臣，拜爲博士，與諸生申明土德，草改歷服色。事見郊祀志。

案高帝、惠帝、文帝時，尙未專立五經，三人爲博士最早。

狄山，武帝時博士。見張湯等傳。

終軍，字子雲，濟南人。年十八，選爲博士。武帝時，見本傳。

平，不著姓。儒林傳序云：公孫弘與太常臧博士平等議。武帝時。

中，不著姓。武帝紀：元狩二年，遣博士中等分行諭告。

臣，不著姓。疑卽孔霸，或周霸也。

雋 舍 師古曰雋姓舍名。

臣 德 不箸姓。

虞 舍

臣 射 不箸姓。

臣 倉 不箸姓。

案以上六人皆見霍光傳。昭帝末宣帝初博士也。

賞 不箸姓。元帝紀建昭四年臨遣博士賞等循行天下。

案章玄成傳。兄弘子賞亦明詩。哀帝爲定陶王時。賞爲太傅。此博士未知卽章賢否。但傳不言賞

爲博士。

嘉 不箸姓。成帝紀河平四年遣博士嘉等行舉瀕河之郡。

駟 勝 成帝時博士也。見元后傳。

伏 湛 字惠公。琅邪東武人。伏生勝子賤九世孫也。父理爲當世名儒。目詩授成帝爲高密太傅。別

自名學。湛少傳父業。教授數百人。成帝時。目父任爲博士弟子。光武時爲大司徒。封陽都侯。徙不其

侯。見後漢書本傳。

案伏氏世傳。今文尙書。然伏理已受詩。匡衡目授成帝矣。則未知湛所習者爲今文尙書也。爲齊

詩也。

申咸 東海人。哀帝初博士。見薛宣、師丹等傳。

左咸 哀帝時博士。見韋玄成傳。

夏侯常 哀帝時博士。見兩龔傳。

王咸 濟南人。哀帝時博士弟子。見鮑宣傳。

薛順 平帝時博士。見郊祀志。

郭路 平帝時博士。見王充論衡。

臣賢 不著姓。藝文志雜家。博士臣賢對一篇。注云：漢世難韓子商君。

杜參 藝文志賦家。博士弟子杜參賦二篇。師古曰：劉向別錄云：臣向謹與長社尉杜參校中祕書。

劉歆又云：參，杜陵人。呂陽朔元年病死。年二十餘。

案二人皆不詳里居。志亦不言何時人。據顏注：知參元成間杜陵人。而賢則無可攷。或疑卽韋賢。孔衍家語後序：孝成皇帝詔光祿大夫劉向校定衆書。都記錄名古今文書論語別錄。子國孫孔衍爲博士。上書辨之。